

政績  
武功  
使命  
使臣

錄

貴陽府

志

卷二十六

卷(七十一)

貴陽府志卷七十一

知貴陽府事泰和周作楫夢巖輯

知貴陽府事博白朱德璉綬堂刊

錄十八

守土政績錄第九

徐昌

李獻玉

薛載德

李昌柱

商璉

劉子豫

項蕙

楊文鐸

徐慶元

張必達

李從綱

朱齊年

李成輅

任用儀  
李師元

黃肇升

馬詠

陳以明

魯朝聘

甘士琇

王貴穀

彭南錄

潘本智

秦睿

鄭德佩

王炳文

孫張淵

祝雲書

張正位

宋彰德

程卓櫟

陳鵬

安嘉相

張澍

劉永安

劉繩爵

邵孟竣

司河

長興

宋鐸

劉日炳

王存威

德順

李于垣

陳五色

文如筠

盧通基

徐昌江西東鄉人以貢生起家順治末授開州知州時貴州初入叛圖當兵亂之後城郭宮室多毀官吏無衙署寓寺觀中請帑修葺者多被駁州縣率多派其費於民間昌乃捐俸修城池葺衙署學校祠廟以次修復民間不知役康熙初去任

李獻玉字荆山湖北棗陽人以歲貢起家康熙四授定番知州定番幅員遼濶所屬有十六土司且多苗狎官吏欺其無知恣侵漁是時禁網疏濶貪蠹多不抵法官貴州者以定番爲美缺多羨之獻玉性清儉衣褐而食蔬諸土司有所饋皆卻之民有爭訟卽

決之胥吏以其審結速不能作奸利暇則讀陶靖節詩間延知名士談詩歌論古今事多出人意表時與三桂鎮雲貴有所求獻玉不應乃諷大使以事劾罷之去之日僅二僕及書數厨無他物士民送者填街塞巷哭聲震天且有言上司黜陟不公者獻玉慰之曰昔陽城罹科拙自注下考吾以他事去去陽城遠矣黜故其宜又何言焉去之後定番人立去思碑於縣署

薛載德字輿瞻山陰人以監生起家康熙二十七年授定番知州性恬淡不苟合上官意能知人所賞鑒

卒皆知名學宮兩廡數捐俸以修之時州境多盜賊  
德知守備招國璘善捕緝有所送輒治之盜皆遠徙  
在任八年民間夜不閉戶三十五年去

李朝柱字東崖山西臨汾人以監生起家康熙四十  
九年授定番知州初莅任胥吏以其年少頗輕易之  
已而遇事精明人不能欺又渾厚不深求人過胥吏  
皆歎服定番獄訟多稽緩或數年不決胥吏因緣爲  
奸鄉里之桀黠者以告官嚇鄉愚意官司不竟決而  
已得以需索朝柱遇爭訟一二日卽審結案無留牘  
有嚇詐者嚴懲之奸猾皆遠避尋以丁憂去

商璉字宗器甕安人康熙二十九年舉人授定番學正敎官以敎士子爲職而考試之等第皆聽於學政生員雖有坐學之令率皆以事辭其月課亦多虛曠敎官無所事事人第以爲優老之具及學政歲科考試所新取生員例有贊儀璉莅任勤於訓誨不計贊儀有無有好學與行止端方者特加禮異去之日士子皆思之

劉子豫字郊之山西汾州人以拔貢起家康熙二十一年任廣順知州有惠政去之日士民泣送之立去思碑

項蕙字樹百安徽人以雲南南甯籍中鄉試康熙二十七年授廣順知州性廉潔盡革其陋規有饋遺者輒卻之令其家織紡以自給學宮兩廡及大成門傾圯蕙率士民修之來格里民多逃亡糧賦缺不能償累及鄰族蕙捐資以賞之三十年丁艱奪情畱任尋卒於官囊空無一物不能歸櫬士民醵金以贈猶不足巡撫田雯布政使蔣寅倡各官捐俸以助乃得歸里士民思之立德政碑

楊文鐸江南江都人康熙三十二年舉人考授內閣中書選開州知州性廉潔最喜文學時閩州無書院

貧者艱於延師多廢學去文鐸建東臯書院延名師以授教之人爭向學遷貴陽知府卒於官

徐慶元四川人康熙中以進士授貴定知縣時縣治在舊縣城城外多屯田地平而腴頗乏水歲旱則無收屯糧重以歲荒請減多不准民間苦之典吏張必達者江南六安州人先慶元三載至官勤於民事城東四里有龍里之小龍場河與城外田僅隔一小阜必達與慶元議堵河水而高之鑿溝渠以漑城外田而龍里近河居民皆不欲事遂止未幾慶元請於藩司調署龍里必達代理縣事生員徐國奉買其地約

鄉里開溝渠龍里民訴於府府檄兩縣會勘必達曰  
河雖在龍里而其源則發於貴定之溪澗況其地已  
爲徐生所買卽爲貴定地龍里何與焉慶元故爲不  
能答龍里民亦詞窮乃得開溝渠於是城外不苦旱  
矣事已定慶元卸龍里任歸貴定又數年二人皆去  
士民於南門外立恩官祠以祀之

李從綱雲南昆陽人以舉人起家康熙中授貴定知  
縣有惠政巡撫劉蔭樞過其境書綠野平春匾以褒  
之五十七年致仕歸送者滿路且挽留之從綱爲之  
盤桓數月乃去縣人立祠祀之其外設書院名曰李

公書院曾孫文耕道光時爲貴州按察使謁其祠已改爲文昌宮文耕復立祠爲之置產設義學

朱齊年順天人以貢生起家康熙末授修文知縣性廉明士民皆愛之五十九年學宮傾圯率舉人陳光裕等以修之置學田收租以資寒士課讀任數年去李成輅浙江仁和人康熙時以進士授龍里知縣三十九年成輅以學宮壞倡士民修之尋去職嘉慶八年學宮復壞知縣任用儀教諭黃肇升復修之用儀山西平定州舉人肇升安順舉人乾隆初有李帥元者河南夏邑人以進士授龍里知縣捐廉建龍岡書

院

馮詠字夢颺江西金谿人康熙六十年進士改庶吉  
士雍正初授開州知州開州多陋規每年派水火馬  
夫銀三十兩需用馬夫皆派之各司里短夫派之四  
門打掃圍牆夫派之恥里每歲納生硝百斤派之第  
里衙門所用柴薪派之恥里又派職事例銀三十兩  
迎春扮演故事銀十兩有奇器皿各項銀三十餘兩  
於境內胥吏鄉保每以一派十民以重困詠皆詳革  
之惟生硝如故詠立碑於州署門使民知所遵守又  
請以兵山二堰租及義里小林口馬湖溝梨園租銀

賈陽志 卷十一  
四十餘兩資義學膏火土租爲名宦鄉賢祭費經賚  
田租給養濟院又以開州無志乘掌故多缺略乃延  
貢生盧嘉燦等修開州志四卷任數年去

陳以明江蘇天長人以生員議叙起家雍正時授龍  
里知縣時舉報生員優行多不以實以明嚴覈之婦  
女少年之喪夫者多以貧故父兄勸之改嫁以明見  
守節者嘉獎不絕口勸其戚族資助之士習民風爲  
之一變去後士民立主祀之

魯朝聘山東新城人以貢監起家雍正時授貴定知  
縣縣多屯田糧最重民間買賣不知頂畝惟以種計

多少黠者多以其糧酒之所賣之田愚者則田已賣而糧猶存於是糧重者多逃亡不耕官吏恐虧賦額強派之鄰近之田及里長不服則嚴刑以拷之民之破產者衆朝聘大加丈量而均其糧使民執圖冊以爲據又恐胥吏鄉保以苛率困民令畝出資以爲丈量費有多索者罪之於是積弊皆清雍正七年遷入寨同知乾隆初遷都勻知府朝聘去貴定民德之爲之建魯公祠後祠毀復改建於炎帝宮右

甘士琇奉天人以監生起家雍正末授思州知府十年九股苗叛圍按察使方顯於台拱巡撫元展成檄

士琇與文炯擊破之語具元展成錄苗遂不敢犯內地乾隆初調貴陽知府十一年五月遷廣東高廉道陞見言貴陽府屬所轄白納中曹虎墜養龍四土司田萬一千二百餘畝原徵條銀乾隆四年因苗疆添設兵丁口糧不足改徵米石但各土司地山路崎嶇每人只可負米三斗上納殊艱今新疆台拱與湖南沅州接壤古州與廣西慶遠接壤節年買米足資兵糧而貴陽改徵之米但貯府倉若將此米仍舊徵米則小民易於完納

上令總督張廣泗查奏廣泗言徵米便事遂止

王肯穀陝西人乾隆十年以進士授修文知縣肯穀  
性廉潔好文學公事暇常聚士子訓課明王守仁謫  
龍場常聚徒講學龍場在縣境故有陽明祠久傾圮  
肯穀率士民重建之

彭南錄江蘇漂陽人乾隆中以進士授修文知縣  
慈惠每鞠獄不輕用刑胥吏每乘事冗交通司票  
者求硃票以索詐鄉民南錄每事必親硃票不能乘  
間私出二十七年請帑築修文城度其地而親省工  
帑不妄費民至今稱之

潘本智浙江錢塘人由拔貢授知縣分發貴州乾隆

四十八年署修文縣事本智以爭訟審結遲則胥吏  
得恣需索民間失職業限二三日卽結嚴於捕盜獲  
卽監禁之歲終有二十餘賊求釋放度歲本智諭之  
曰恐爾歸又將擾吾民人給肉三斤米一斗錢三百  
終不釋蠹役范小連熊二熊么爲民害本智按其罪  
改配伊犁民無不悅服學宮圯本智率教諭謝佳霖  
訓導卽世俊倡士民修之去之日士民攀輿泣送者  
三十餘里

秦唐陝西三原人乾隆末以進士授修文知縣唐好  
講理學縣故有誦詩書院久廢弛唐捐廉倡士民重